



ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԻՍՏ ՄԱՅՐ ԱԹՈՌՈՒՄ

Մարտի 1-4-ը Մայր Աթոռ Ս. Էջմիածնում, Նորին Սրբություն Գարեգին Ա Ամենայն Հայոց Կաթողիկոսի քարձր մախազահությամբ, զումարվեց Գերագույն Հոգևոր Խորհրդի միստը:

Ժողովին մասնակցելու մպատակով Մայր Աթոռ էին ժամանել ԳՀԽ առե-
նապետներ Երուսաղեմի Պատրիարք Թորգոմ արք. Մանուկյանը, Կ. Պոլսո
Պատրիարք Գարեգին արք. Գազանճյանը: Լիագումար միստին մասնակցեցին
Մայր Աթոռի դիվանապետ Ներսես արք. Պողոսյանը, Արարատյան Հայրա-
պետական թեմի առաջնորդական փոխանորդ Գարեգին արք. Ներսիսյանը, Օիրակի
թեմի առաջնորդ Գրիգորիս արք. Բուճիսյանը, Արցախի թեմի առաջնորդ Պարզե
եպս. Մարտիրոսյանը, Սյունյաց թեմի առաջնորդական տեղապահ Արքաճամ վրդ.
Մկրտչյանը, Վիրահայոց առաջնորդ Գևորգ արք. Սերապդայանը, Ռուսաստանի
հայոց թեմի առաջնորդ Տիրան արք. Կյուրեղյանը, Հյուսիսային Ամերիկայի
Արևմտյան թեմի առաջնորդ Վաչե արք. Հովսեփյանը, Հյուսիսային Ամերիկայի
Արևելյան թեմի առաջնորդ Խաժակ արք. Պարսամյանը, Աստղիկ եպս. Արիստա-
կեսյանը, ժողովրդական մկարիչ, ակադեմիկոս Գրիգոր Խանջյանը, պրոֆ. Հակոբ
Փափազյանը, պրոֆ. Պիոն Հակոբյանը, պրոֆ. Ռաֆայել Պապայանը, պրոֆ.
Վլադիմիր Բարխուդարյանը, ինչպես նաև լիագոր անդամներ Գյուտ արք. Նազ-
գաշյանը (Եվրոպա), Աղամ արք. Պալիոզյանը (Մայրագույն Արևելք), Զավեն արք.
Զինչիմյանը (Միջին Արևելք), Գիսակ եպս. Մուրադյանը (Հարավային Ամերիկա):

Եռօրյա միստերի ընթացքում քննարկվեցին Մայր Աթոռի անցած վեց
ամիսների գործունեությունը:

Վեհափառ Հայրապետը ամփոփ մի զեկույց տվեց՝ ներկայացնելով Մայր
Աթոռի գործունեությունը հետևյալ գլխակարգումների տակ.

1. Վաճառական կրթություն և Կաթողիկոսարանի ներքին գործունեություն, որի մեջ
ընդգրկվում էին Միաբանության կազմի անդամների աճումը՝ յոթը մոր արեղա
հայրերով, Հոգևոր Ընտարանի քարեհաջող ընթացքը՝ 90 ուսանողներով, Սևանի և
Գյումրիի դպրանոցների գործունեությունը, Բրիտանական Դատարանական
Կենտրոնի աշխատանքները, հրատարակչական գործը, թանգարանների վիճակը,
վարչական կազմակերպական կյանքի վերանորոգումը, շինարարական
աշխատանքները:

2. Արտաքին գործունեությունը, որի մեջ ներառվեցին թեմերի միջև

հարաբերությունները, թեմական առաջնորդների այցելությունները, Վեհափառ Հայրապետի գլխավոր հովվապետական այցելությունները Ռումինիա, Օդեսա, Միացյալ Նախագահներ և Կանադա:

9. Հարաբերական կյանք, որի մեջ Նորին Սրբությունը ներկայացրեց մախ միջեկեղեցական հարաբերությունները, ապա ամդրադարձավ պետական, դիվանագիտական հարաբերություններին՝ մշտով 16 երկրների դեսպանների, և Ռուսաստանի Դաշնության գիտության մախարարի, Անգլիայի, Գերմանիայի, Վրաստանի Արտաքին գործոց մախարարների, Վրաստանի խորհրդարանի մախագահի այցելությունները: Նշվեց մաև մշակութային և մյուս շրջանակաների հետ մշակված հարաբերությունները՝ թե՛ Հայաստանում և թե՛ արտասահմանում:

Վերջում Վեհափառ Հայրապետը հայտնեց, որ առաջիկայում Ս. Էջմիածին եւ այցելելու Եկեղեցիների Համաշխարհային խորհրդի ընդհանուր քարտուղար դոկտ. Կոնրադ Ռայզերը և Մոսկվայի ու Համայն Ռուսիո Պատրիարք Ալեքսիյ Բ-ն: Իսկ մարտի 23-27-ը Ս. Էջմիածնում կգումարվի մի միջազգային եկեղեցական ժողով, «Կլոր սեղան» անվանումով՝ ուսումնասիրելու Հայաստանին ընծայվելիք օժանդակության եղանակներն ու պայմանները:

Ժողովի օրակարգի հարցերի շարքում նկատի առնվեցին Ամենայն Հայոց Կաթողիկոսության և Կիլիկյան Կաթողիկոսական Աթոռի միջև հարաբերությունների զարգացման ընթացքը, Մայր Աթոռի Ամենայն Հայոց Կաթողիկոսության համար Կանոնադրության մշակման անհրաժեշտությունը: Որոշվեց կազմել մի հանձնախումբ՝ առաջիկա ամիսներին այդ գործին լծվելու համար:

Քննարկվեցին թեմական ներքին խնդիրներ, Հայաստանի և ԱՊՀ երկրների թեմական կառույցների վերանորոգման անհրաժեշտությունները: Հանձնախումբ կազմվեց այդ ուղղությամբ անմիջապես գործի անցնելու համար:

Խորհրդակցության առարկա դարձան մաև՝

ա. Միջեկեղեցական հարաբերությունների զարգացման կարելիությունները,
բ. Հայ Եկեղեցու բերելիք բաժինը «Հայաստան» համահայկական հիմնադրամին,

գ. Մեծի Պահոց շրջանում պսակադրության արգելման պարագան,

դ. Մայր Աթոռի 1995 թվականի իրականացրած բյուջեն:

Ե. Որոշվեց Մյուռնոօրհնեք կատարել Ս. Էջմիածնում առաջիկա սեպտեմբերի 8-ին:



Ժողովի ավարտին, Վեհափառ Հայրապետի գլխավորությամբ, Գերագույն Հոգևոր խորհրդի անդամներն այցելեցին Հայաստանի Հանրապետության վսեմաշուք մախագահին՝ պրն. Լևոն Տեր-Պետրոսյանին, որը սիրով ընդունեց մրանց մախագահական պալատում:

Գարեգին Ա. Կաթողիկոսը Նորին Վսեմությանը ներկայացրեց ժողովա-

կանգնեցին և ամփոփ մի վերլուծում տվեց ժողովի միտքերում կատարված աշխատանքների մասին:

Նախագահը լայն հասկացողությամբ իրազեկ դարձավ մեր Եկեղեցու այժմյան կացությանը և խոր վերլուծումներով մշեց այն հիմնական ուղղությունները, որոնց մեջ Եկեղեցին կոչված է մեծ դեր կատարելու՝ մեր ժողովրդի կյանքի առողջ դաստիարակության, Եկեղեցու միության գործնական քայլերով զարգացման ամրապնդման, «Հաղատում» հիմնադրամին կենսական օգտակարության և Ղարաբաղի ժողովրդի կյանքի պայմանների բարելավման տեսանկյուններից:

* *


Ժողովը փակվեց երկուշաբթի, երեկոյան ժ. 6.30, Վեհափառ Հայրապետի խրախուսիչ պատգամով: Նա շնորհակալություն հայտնեց թուրք ամդամներին իրենց գործուն մասնակցության համար, կոչ ուղղեց ժողովին՝ սերտ գործակցության, Մայր Աթոռի ընդհանրական շահերը գերադասելու և առավել եռանդուն գործունեության լծվելու համար:

«Պահպանիչ» աղոթքով ավարտվեց Գերագույն Հոգևոր Նորհրդի ժողովը, որը վստահաբար պիտի մոր մղում տա Մայր Աթոռի և թեմերի գործունեությանը առավել պտղալից աշխատանքների համար:

* *

Մարտի 6-ին Մայր Աթոռ Ս. Էջմիածնում, Նորին Սրբություն Գարեգին Ա Ամենայն Հայոց Կաթողիկոսի բարձր նախագահությամբ, իր աշխատանքներն սկսեց Հայաստանում Գրիստոնեության պետական կրոն հռչակման 1700-ամյակի կենտրոնական հանձնաժողովի Գործադիր մարմնի անդրանիկ նիստը: Բացելով այն Վեհափառ Հայրապետն ընդգծեց 1700-ամյակի տոնակատարության բացառիկ կարևորությունը և հույս հայտնեց, որ Գործադիր մարմնի աշխատանքն այդ ուղղությամբ կլինի արդյունավետ: «Միայն չխոսինք, — պատգամեց Նորին Սրբությունը, — այլ 1700-ամյակը խոսեցնել տանք»:

Նիստի ընթացքում քննարկվեցին տոնակատարության կազմակերպման, այդ ծրագրին ՅՈՒՆԵՍԿՕ-ի մասնակցության, ֆելմերի պատրաստության, Հայ Եկեղեցու պատմության ձեռնարկների հրատարակմանը, գիտաժողովների անցկացմանն առնչվող հարցեր:





ՀԱՅԱՍՏԱՆՅԱՆ «ԿԼՈՐ ՍԵՂԱՆ»



1986 թ. մարտի 23-ից 27-ը Մայր Աթոռ Սուրբ Էջմիածնում Ամենայն Հայոց Կաթողիկոս Ն. Ս. Օ. Տ. Տ. Գարեգին Ա-ի օրհնությամբ և հյուրընկալությամբ գումարվեց Հայաստանյան «Կլոր սեղանը», որը կազմակերպվել էր Հայ Առաքելական Եկեղեցու, Եկեղեցիների Համաշխարհային Խորհրդի չորրորդ բաժանմունքի և Եվրոպական Եկեղեցիների միջեկեղեցական ծառայության համատեղ ջանքերով:

Եկեղեցու, Հայ Ավետարանական Եկեղեցու, Հայ Ավետարանական Մկրտական Բրիստոնյաների Եկեղեցու, տեղական և միջազգային կազմակերպությունների, Եկեղեցու հետ առնչվող միջազգային հիմնարկությունների, Եկեղեցիների Համաշխարհային Խորհրդի և Եվրոպական Եկեղեցիների համաժողովի 40-ից ավելի ներկայացուցիչներ, որոնք ժամանել էին Ամերիկայի Միացյալ Նահանգներից, Մեծ Բրիտանիայից, Դանիայից, Գերմանիայից, Եվեցարիայից, Բելգիայից, Ռումինիայից և Չեխիայից:

ԺՈՂՈՎԻ ԲԱՑՈՒՄԸ

Ժողովի քացումը տեղի ունեցավ շաբաթ օրը, առավոտյան ժամը 9-ին՝ Ամենայն Հայոց Հայրապետի նախագահությամբ: Բացման աղոթքից հետո այն

սկսվեց Նորին Արքեպիսկոպոս Սյունուհեան Վեհափառ Հայրապետն ընթերցեց իր պատգամը, ուր հանգամանորեն և վերլուծաբար ներկայացրեց Հայ Եկեղեցու դերը ներկա շրջանում: Վեհափառը մատնանշեց այն բոլոր բնագավառները, որոնք առաջնահերթ կարիքը ունեն եկեղեցու անմիջական գորակցության և ծառայության, ինչպես նոր հոգևորականների պատրաստության գործը, քրիստոնեական դաստիարակության մարզը, դպրոցականների կրոնական կրթության աշխատանքները, հին եկեղեցիների նորոգության և նոր եկեղեցիների կառուցման անհրաժեշտությունը և ճարտարարվեստի փոքր ճյուղերի զարգացումը:

Քերուլ էլքը ներկայացրեց Եկեղեցիների Համաշխարհային Խորհրդի գործունեությունը: 1993 թվականից հետո կատարված աշխատանքներին անդրադարձավ Մայր Աթոռի դիվանապետ Ներսես Արքեպիսկոպոս Պողոսյանը: Տիկ. Թեմի Սիմոնյանը խոսեց դաստիարակչական գործի մասին, որն ընդգրկում է ամբողջ Արևելյան Եվրոպայի տարածքը:

Ելույթներ ունեցան՝ Հայաստանի Հանրապետության Սոցիալական Ապահովության նախարար Ռաֆայել Բագդյանը, Արտաքին գործերի փոխնախարար Վարդան Օսկանյանը, Ազգային Ժողովի սոցիալական հարցերի մշտական հանձնաժողովի նախագահ Հրանուշ Հակոբյանը, Կանանց Հանրապետական Խորհրդի նախագահ Նորա Հակոբյանը, թեմական առաջնորդներ, Հայ Օգնության Ֆոնդի, Հայ Օգնության Միության, Հայկական Բարեգործական Ընդհանուր Միության, Հայկական Ասամբլեայի, «Ծեն» հասարակական կազմակերպության ներկայացուցիչները:



«Կլոր սեղանը» նշանակեց ներկայացուցչական համակարգող պատասխանատու մարմին, որի պարտականությունն է տևական կապ պահպանել ժողովի մասնակիցների հետ և համակարգել աշխատանքները: Ժողովի ատենապետներն էին Մայր Աթոռի կողմից Ներսես արքեպիսկոպոս Պողոսյանը, Եկեղեցիների

Համաշխարհային Խորհրդի կողմից՝ Տիկ. Ջերոլ Էյբլը:

Ելույթ ունեցողները ժողովի մասնակիցների ուշադրությունը սևեռեցին գործունեության երեք խիմնական բնագավառների վրա: Առաջին՝ մասնակից եկեղեցիների և կազմակերպությունների ներկայացում, երկրորդ՝ հայ իրականության ներկայացում ու բացատրություններ և երրորդ՝ «Կլոր սեղանի» կողմից իրագործվելիք ծրագրերի և մախաձեռնությունների, առաջարկությունների՝ ներկայացում և քննարկում:

ԵՐԿՐՈՐԴ ՕՐ

Մարտի 24-ի կիրակի օրը, Սուրբ Պատարագից հետո, ծրագրի շրջանակներում կազմակերպվեցին մի շարք այցելություններ: «Կլոր սեղանի» ներկայացուցիչների մի մասը մասնակցեց Հայ Ավետարանական և Մկրտական եկեղեցիների պաշտամունքներին, ծառայեցավ Երևանում և Գրանից դուրս իրականացվող կրթական ու եկեղեցական ծառայական մախաձեռնություններին:

Խմբի համար քավականից բովանդակալից անցավ Հոգևոր Ճեմարանի սաների հետ կազմակերպված քննարկումների ու երաժշտության երեկոն, որն սկսվեց Հանրապետության օրհներգով: Հակիրճ խոսքով ներկաներին հոգևոր ճեմարանի պատմությանը, ներկային ու ապագա խնդիրներին ծառայեցրեց ճեմարանի տեսուչ հոգեշնորհ Տ. Հայկազուն ծայրագույն վարդապետ Նաջարյանը:

Այնուհետև սաների կատարմամբ հնչեցին Ղ. Ալիշանի «Պլաուս Ավարայրի», Ռ. Պատկանյանի «Լոռեց», Հովհ. Թումանյանի «Հայրենիքիս հետ», Մ. Եկմայանի «Ով հայոց Աստված», Ալ. Հարությունյանի «Սասունցիների պարը» ստեղծագործությունները: Հանդիպման երեկոն ավարտվեց Հոգևոր ճեմարանի հիմներգով:

Խմբի մյուս անդամները, հանձինս Սալոմե Օմիրյանի, Յուրգեն Յուրգենսենի, Զոն Թեյլորի, Ալեքսանդր Բելոպոպսկու և Թեմի Սիմոնյանի, մասնակցեցին քաղաքի Կոլյունի անվան դպրատանն անցկացվող կիրակնօրյա վեց վարժարանների սաների համատեղ հանդիսությանը:

Հյուրերի թվում էին Ֆրանսիական «Ֆորում» ընկերության Երևանյան գրասենյակի տնօրենը և գրասենյակի սփյուռքահայ պաշտոնյաներ: Հանդիսությանը ներկա էին նաև Մայր Աթոռի միաբաններ, հյուրեր, ծնողներ:

«Տերունական աղոթք»-ի երգեցողությունից հետո, ներկաներին ողջույնի ու բարիգալստյան խոսք ասաց Հայաստանյայց Եկեղեցու Քրիստոնեական Քարոզչության և Դաստիարակության Կենտրոնի տնօրեն հոգեշնորհ Տ. Վազգեն արքեպիսկոպոս Միրզախանյանը:

Գեղեցիկ հայտագրի ընթացքում, որը կրում էր «Վասն Հայրենեաց և վասն հաւատոյ» խորագիրը, հնչեցին ազգային-հայրենասիրական երգեր, քեմականացված հատվածների միջոցով ներկայացվեցին հայոց պատմության տարբեր դրվագներ:

«Հայրապետական մաղերբի» կատարմամբ եզրափակվեց գրական-

գեղարվեստական համդիսությունը:

Հավարտ համդիսության մերկաներին շնորհակալության և արտի խոսք ասաց Եկեղեցիների Համաշխարհային Խորհրդի Անգլիայի մերկայացուցիչ Ալեքսանդր Բելոպոպսկին:

ՕՐ ԵՐՐՈՐԴ

Երկուշաբթի, երրորդ օրը, ժողովը շարունակեց ընդհանուր քննարկումները, հընթացս որոնց հիմնական շեշտը դրվեց Հայաստանի եկեղեցիների կարիքների, ինչպես նաև երկրի սոցիալ-տնտեսական և քաղաքական իրողությունների վերլուծության վրա:

Համդիպման մի զգալի մասը տրամադրվեց 1993 թվականի առաջին «Կլոր սեղանից» հետո կատարված աշխատանքների հաշվետվություններին, տեղական մասնակիցների կողմից մերկայացվող մոր ծրագրերին ու մախագծերին: Առաջարկվող մախագծերի համար մերկայացվեցին ընդհանուր բյուջեներ և դիմումներ: Դրանից հետո «Կլոր սեղանի» քննարկումները շարունակվեցին փոքր խմբերում: Որոշվեցին գործունեության հիմնական ծրագրերը և դասակարգվեցին ըստ առաջնահերթության: Առաջնահերթ համարվեցին հետևյալները. քանի որ Հայաստանի բնակչության զգալի մասը դեռևս համարվում է անապահով, ուստի անհրաժեշտ է կազմակերպել մարդասիրական և բժշկական օգնություններ այնպիսի ձևերով, որոնք մախ կբավարարեն անապահով խավերի առաջնահերթ կարիքները, միաժամանակ խթան կհամդիսաման հասարակության կայունացման գործընթացին: Առաջնահերթ համարվեց նաև եկեղեցական ծառայական օժանդակությունը, որի առնչությամբ վեհափառ Հայրապետն ի մասնավորի ասաց. «Այսօր Եկեղեցին կոչված է սպասավորներին զինելու մի մոր ըմբռնմամբ, որը հիմնված կլինի ոչ այնքան գոյատևելու գաղափարի, որքան խրատելու, սովորեցնելու և լուսավորելու վրա»:

Ներկաներին հիշեցվեց նաև, որ Հայաստանում համայնքի կենտրոնը տեղական Եկեղեցին է: Սակայն եկեղեցիներից մեծ մասը լուրջ վերանորոգումների կարիք ունեն: Ուստի պատմական եկեղեցիների վերականգնումը և պաշտամունքի մոր վայրերի հիմնումը մնում է առաջնահերթ խնդիր:

Հետմիջօրեին ժողովի մասնակիցները եղան Մայր Աթոռի տպարանում, ծանոթացան աշխատանքներին, ծրագրերին ու դժվարություններին, ստացած տպավորություններն ու կարծիքները կիսեցին տնօրենի հետ: Նա իր հերթին մերկայացրեց սարքավորումների տեխնիկական վիճակը, դրանց հետ առնչվող հարցերը:

Օրվա երկրորդ կեսին «Կլոր սեղանի» մասնակիցները եղան Միժեռակաքերդում, աղոթեցին 1915 թ. ցեղասպանության զոհերի հիշատակի համար և ծաղկեպսակ դրեցին հուշահամալիրին:

ՕՐ ՉՈՐՐՈՐԴ

Ժողովի չորրորդ օրը, մարտի 26-ին, քննարկվեցին մերկայացված անհատական մախագծերի մանրամասները և ֆինանսական աղբյուրների ճշտման անհրա-



ծեշտությունը: Մասնակիցները համաձայնվեցին, որ հետագայում «Կլոր սեղանի» համագործակցությամբ իրենց մասնակցությունը բերեն Առաքելական կազմակերպություններն ու ուսումնական հաստատությունները:

Հաճի որ այս օրը ժողովի քննարկումների վերջին օրն էր, «Կլոր սեղանը» նշանակեց ներկայացուցչական համակարգող պատասխանատու խումբ, որը ղեկավարելու է հետագա աշխատանքները մինչև հաջորդ «Կլոր սեղան»:

Մասնակիցները համաձայնեցրեցին նաև Հայաստանյան «Կլոր սեղանի» հիմնական խնդիրները:

ՏԱՐԲԵՐ ՀԱՆԴԻՊՈՒՄՆԵՐ

Ժողովից հետո նրանք այցելեցին Երևանի շրջակայքում գտնվող տեղահանվածների համար հատկացված նորակառույց թաղամաս, որը աղջիկների քույրական դասընթացների քոլեջ, «Զատիկ» որթանոց:

Մարտի 27 - ի չորեքշաբթի օրը «Կլոր սեղանի» մասնակիցների մի մասը վաղ առավոտյան մեկնեց Գյումրի և Սպիտակ՝ 1988 թվականի ողբերգական երկրաշարժից տուժած գոտի, ուր Եկեղեցիների Համաշխարհային Խորհրդի օժանդակությամբ կառուցվում է Էկումենիկական եկեղեցի:

Օրվա երկրորդ կեսին նրանք այցելեցին Երևանի առաջնորդամիստ Ս. Սարգիս Եկեղեցի, ուր հրճուհյա երեկոյան ժամերգության վեհափառ Հայրապետը Մեծ Պահքի առիթով իր հերթական պատգամ-դասախոսությունն էր տալիս:

Ավելի ուշ ժողովի մասնակիցներին ընդունեց ՀՀ վարչապետ Հրանտ Բազրադյանը:

Այս հանդիպումներով էլ ավարտվեց Հայաստանյան «Կլոր սեղանի» երկրորդ ժողովը, որը կազմակերպվել էր Հայ Առաքելական Եկեղեցու, Եկեղեցիների Համաշխարհային Խորհրդի, Չորրորդ բաժանմունքի և Եվրոպական Եկեղեցիների միջկենդեցական ծառայության համատեղ ջանքերով:

Մ. ՎԱՐԴԱՆՅԱՆ